

卷之一

地理志第一之一

卷之一

地理志第一之一

重印李脩雲南通志

惺广題簽



明李中溪先生纂脩

雲南通志

周鍾嶽題端

龍氏靈源
別墅重印

重印李纂雲南通志序

民國二十一年秋、雲南初設通志館、予既延聘通人、從事纂輯、復向省內外廣搜博採、以備文獻之徵、既而得明景泰雲南圖經、及大理李中溪先生雲南通志等書、館長周君惺甫以李志最爲詳審、而板絕於滇中者殆三百年、商予重印、予間加披覽、凡所甄構、胥衷至當、而疆域羈縻諸篇、於邊防尤加意焉、誠本省之良志也、竊謂通志之法、宜就其省之重要事故、以爲之綱、其諸節目、可概從簡略、與他省通志體例各不相襲、亦各不相師、如雲南貴州四川廣西湖廣、皆有土司、而雲南多至百五十一家、其爲雲南保障者、匪伊朝夕、蓋土司有世守之權、有保境之責、內修斥堠、外禦疆鄰、以與本省爲藩輔、徒以前代流官、侵削過甚、致生異心、而一二好事之

臣遂不惜大舉以圖一逞。至於師老財匱而遠人不服，則斥以爲蠻夷犬羊，屏諸荒服之外，坐使比鄰蠶食，漸窺堂奧，而無可如何。今之隔江相望，服屬他人者，皆當日爲我羈縻，與緣邊諸土司同襲冠帶之倫者也。誰秉國鈞，夫何使其至於此。中溪先生，生明中葉，目擊數十年前，前三征麓川之禍，知國家不恤遠夷，適足以驅其外嚮，而失我內援，故作羈縻志，以詔來茲。此吾所謂就其省之重要以爲之綱者，而惜乎當國者未之審耳。前車未遠，來軫方道，若猶曹不知變，是今之緣邊土司將折而入於列疆之域，一旦有事，誰與我作屏障者。此予讀中溪此書，廩廩有唇亡齒寒之痛已。其諸民食兵役，山川扼塞，堡鋪險阻之要，亦頗詳覈。過於李京志略，景泰圖經遠甚，而以張虔陀王昱李知古附於名宦之末，俾

賢者有所勸、而不肖者有所懲、尤得良史之法、故亟爲捐資、以永其傳、庶幾後之治滇者、憬然於邊裔之界、不至輕於棄捐、致蹈緬越之覆轍、此予緘印是書之微意、又非獨保存先正文獻而已矣、民國二十三年十月雲南省政府主席龍雲序、

雲南通志序

前史稱兩漢四履之盛東樂浪西燉煌南日南北雁門西南永昌永昌在南中爲遠郡舉遠以見近也漢章帝元和間滇池出龍馬四白鳥二因徧置學校漸遷其俗由此言之雲南在漢文約之所漸被聲教之所周流其來久矣據兩漢書武帝元狩間置益州等四郡領縣四十有二其時循吏王阜張喬等十有三入至唐天寶以後邊吏無良羣夷忿怨始有割據之禍宋室之興棄而不取三百年間隔爲異域兩漢風猷斬然莫繼嗚呼士生斯時能不左衽者寡矣矧文獻哉天啓

皇明我

高皇帝恢復華夏奠正區宇置雲南郡縣視兩漢有加

焉

英皇命儒臣用禹貢職方之遺意爲輿地一統志而雲南之建置至爲明備正德間前輩括圖經爲雲南志尙多闕略隆慶六年大司馬關西蘭谷鄒公開府南中首詢闕事維時方伯長樂獅岡陳君學憲長樂一水陳君以通志對公曰一方圖籍豈宜久闕遂命有司以六十年來諸所損益約四十餘條徧布列郡俾覈實以報藩臬諸大夫謂陽齒居鄉右或識往事因屬筆焉頃之學憲蒞郡得以咨白義例面承指授然雖勉強操觚恆以弗終爲懼會大巡侍御解州兼山侯公陽信振樓馬公新鄉養齋郭公相繼按蒞皆蒙贊其決樂其成事有不容中己者乃遵一統志約其凡目粵稽歷代史山水經諸子藝文汲冢周書以明

其疆域土貢之離合采說文通典玉海及鄭漁仲馬
端臨之志考以證其經營廢置之因繇遠取晉常璩
南中志唐樊綽雲南志以及韋臯崔佐時徐雲虔所
爲南詔諸錄近取臺院司道興革損益兵饟經費一
切成規攬摭野史蒐訪耆碩言有物而事有程然後
取法各省通志張立題部犂爲十有二類而以事目
繫之治道莫先於域民故以地理爲之首庶政必遵
乎

制置故建設卽次之民財民力其道貴節故賦役又次
之禦侮備乏其道貴豫故兵食又次之養士以成賢
育才以致用故學校科目又次之吏於其土而功德
可思生於其鄉而行誼有述故官師人物又次之祀
典在所必敬百神有時而宗故祠祀寺觀又次之稽

往詔來必資辭令故藝文又次之羈縻雜志末之以
此十二類括數千里華夷之地貫穿二十府古今巨
細之事比次以倫追引無間析而第之爲一十七卷
豈敢遽言成書譬彼繪事先爲素地云爾若夫品藻
宦業予奪人物則有宗工鉅匠持衡於上非陽所敢
預也

賜進士知荊州府前翰林庶吉士監察御史樸榆八十
老人中谿李元陽仁甫謹書

雲南通志敘例

通志者會列郡之志而出於一也夫雲南二十府夷居三之一徼外羈縻控扼之夷又半之括不一以爲畫一之法必製合軌而言有物斯不爲徒作矣

舊志不立類例失其綱領今約爲十二類以提其綱而以本事係目於其下方域易置名實異位今據圖乘史志以辨之俾不失

其故焉

敘例山川形勢惟爾雅唐六典得禹貢遺意今志法之

典故悉依諸史山海經水經通典玉海等書然其間亦有踵訛襲謬者今以身歷目睹改正之

賦役兵食國之大政圖籍莫先焉者故總其目俾無

或失焉

官師人物各以傳之時代敘列無傳而傳聞著者亦得疏其建白行實俾無忘焉其存者弗錄何也蓋君子畢世而是定言行身後而始彰弗錄者俟也

其或亦

而以本奉治日其不

書亦不立職附夫其除論合陽高十二隳以對其隳

盡一之若少與合傳而言自其不無其對矣

且三之一處伏麟氣其附之吏又半之益不一

聖南書末

雲南布政司總地圖

東至貴州普安州界

東南

第二

東北

到貴州界

到廣西界

北至



南至

四川界

西北

到吐蕃界

西至棘夷界

西南到



界吐

雲南府地圖

里到馬龍州界

東至澂江府路南州界

東南四百二十里

東北二百三十

界府西廣到

江澂至南

尋至北



雲南府

省城

昆明縣

邵甸

嵩明州

楊林驛

赤水鹽巡檢司

板橋驛

金馬山

宜良縣

湯池巡檢司

呈貢縣

歸化縣

旬府界

西北二百二十里

到武定府界

西至楚雄府廣通縣界

西南一百七十里

到



河陽縣界

江川縣界

江府

澂江

大理府地圖

四

里到北勝州界

東至姚安府姚州界

東南二百七十里

東北三百九十

驛湖普府安姚到

鶴至北

蒙至南

